

uniud.ateneo

■ ATENEU***Cors par dependents publics***

Cors gratuits, in grazie dai finanziaments de leç 482/1999 su la tutele des minorancis linguistichis storichis, di lenghe furlane su diviers nivei, tacant dai principiants assolûts fin ae specializazion in traduzion di setôr e al inzornament dai operadôrs linguistics. A inmaneâju al è il Centri di ricercje su la culture e la lenghe dal Friûl de Universitât dal Friûl, tes sedis di Udin, Gurize e Pordenon. Destinâts al personâl tecnic aministratîf, docent, ricercjadôr, a assegniscj, borsiscj, dottorants dal ateneu e in plui ai dependents des altris aministrazions publichis, i cors a son vierts ancje a students e citadins in cualitât di uditôrs. L'obietîf al è chel di rivâ a svilupâ capacitâts linguistichis superiôrs par davuelzi ativitâts aministrativis in lenghe furlane, cun riferiment particolâr ae traduzion di tescj cun contignûts technics setoriâi, juridics aministratîfs, ae ativitât di progjetazion e di politiche linguistiche. La schede informative dai cors e i modui di adesion si ju cjate in linie te direzion www.uniud.it/cirf sot de vôs «Cors 2007». I dependents des aministrazions publichis e i uditôrs interessâts a varan di notâsi mandant al Cirf, fin a miercus 28 di Fevrâr, il modul (discjamât dal sît) vie fax al numar 0432.556481. Invezit il personâl interni dal ateneu di Udin si notarà dret ae Ripartizion personâl, sezion formazion, doprant il modul pe ativitât formative interne tacant di lunis 26 fintremai ai 28 di Fevrâr e inviantlu vie fax al numar 0432.556339.